

**Dumonda Binkert concernent las consequenzas presuntivas da l'Iniziativa per l'avegnir**

Ils 4 da mars 2024 è reussida l'Iniziativa federala dal pievel «Per ina politica dal clima sociala finanziada en moda fiscalmain gista (Iniziativa per l'avegnir)» da la Giuventetgna socialista Svizra. Ils 15 da matg 2024 ha il Cussegl federal refusà l'iniziativa. Ils 21 d'avust 2024 ha il Cussegl federal prendì posiziun davart l'interpellaziun da la cussegliera naziunala Daniela Schneeberger. Tant la posiziun sco er la resposta dal Cussegl federal laschan anc avertas bleras dumondas ed uschia restan bleras malsegirezzas. Las consequenzas pon gia vegnir observadas. Quai èn tranter auter:

- annunzia u partenza efectiva da Svizras e Svizzers bainstantas e da persunas estras bainstantas a l'exteriur
- sistida da tut ils process currentes per domiciliar persunas bainstantas en il Grischun ch'èn sutmessas a la taglia ordinaria ed a la taglia sin las expensas

Ins po er partir dal fatg che la tema da talas iniciativas vegnia a donnegiar duravlamain la Svizra sco piazza economica per Svizzers bainstantas e per persunas estras bainstantas. Er è quai ina intervenziun gronda en la suveranità fiscal dals chantuns. Las consequenzas èn perditas da taglia substanzialas e duravlas e correcturas da la valur tar immobiglias, per part gia avant la votaziun.

Tenor il Cussegl federal derivan dus terzs da la taglia federala directa oz dals var 5 pertschient pajataglias cun las pli bleras entradas. En connex cun la taglia sin la facultad presuma il Cussegl federal, che passa 44 pertschient dals retgavs derivian da las 1 pertschient persunas las pli bainstantas.

Questa valitaziun dal Cussegl federal dastgass esser sumeglianta er en il chantun Grischun, eventualmain schizunt pli gronda, cunquai ch'il chantun Grischun è attractiv per domiciliar Svizras e Svizzers bainstantas sco er persunas estras bainstantas. Il chantun Grischun dastgass pia generar ina part considerabla da las entradas fiscalas da persunas che pajan ina taglia ordinaria ed ina taglia sin las expensas sco er retgavs economics substanzials da questa gruppa da persunas. Pervia da quai pudessan las consequenzas da questa iniziativa esser considerablas gia ordavant ed er avair consequenzas persistentas, er sche l'iniziativa vegniss refusada dal pievel.

Uschia supplitgesch jau perquai la Regenza da responder las suandantas dumondas:

1. Cun quantas perditas da taglia quinta la Regenza avant la votaziun davart questa iniziativa e tge regiuns fissan pertutgadas quant ferm?
2. Cun quantas perditas da taglia fa la Regenza quint en il chantun Grischun, sche l'iniziativa vegn acceptada?
3. Tge mesiras prevesa la Regenza per limitar las consequenzas, sche l'iniziativa vegn acceptada? (adattaziuns dal preventiv, adattaziuns da la taglia e.u.v.)
4. Cun tge ulteriuras consequenzas stoi vegnir fatg quint per nossa economia locala e regiunala?
5. Tge mesiras ha la Regenza gia prendì u vegnan prendidas en consideraziun per impedir u per mitigiar quests effects negativs?

Cuira, ils 5 da december 2024

**Binkert**, Berweger, Berthod, Berther, Bettinaglio, Brandenburger-Caderas, Caluori, Candrian, Collenberg, Cramer, Dürler, Furger, Gansner, Hohl, Jochum, Kienz, Kohler, Lehner, Loepfe, Maissen, Mani, Menghini-Inauen, Messmer-Blumer, Metzger, Michael (Donat), Migliacci, Morf, Pfäffli, Righetti, Rodigari, Schneider, Schutz, Tomaschett, von Tscharnier